

ge zu derselbigen zeit/also handle mit den vberigen zeichen vnd stunde
wie ies angezeigt/vnd schreib verloren die zahlen darzu/ nach diesem
zieh die gleich genannten puncten mit linien zusammen / dann wo du
recht gearbeitet/fallen die puncten in grade linien / vnd schreib ordent-
licher weiß die zahlen sichtig darzu/so hast du die Nürenbergisch vhr/
du must eben mit gar alle zeichen mit puncten abtheilen / wann du den
Steinbock/Wider vnd Waag/auch des Krebs lini hast/vnd mit lini-
en zusammen ziehst/wirt es gnug seyn/wie dann ein einzige übung alles
mit bringt/da solches hie recht zuerzellen/vil zu weitläuffig wurde.

Das 8. Capitel/ Lehrt wie du auffreissen solt die vhren/so vom Nidergang der Sonnen ge- zelt werden/als die Italianische vnd Böhmische.

Sie Italianische vnd Böhmische vhren zu reissen / hastu fornen
verstanden/das sie dieselbig anheben zu zellen ein stund nach vnder-
dergang der Sonnen/vnd zellen die ganze nacht vnd den nach-
gehenden tag darzu/bis das die Sonn widrum vndergeht / da schlecht
es im puncto 24.

Als zum Exempel / wann der tag 10. stund lang ist/so geht die
Sonn umb 5. vnser vhr nach/vnder/da schlecht 24. vnd dann ober
ein stund 1. 2. vnd fort die ganze nacht ober/vnd am morgen/wan die
Sonn auffgeht umb 7. vnser vhr nach/so schlecht es dann 14. das ist
der nacht lenge/vnd dann ober ein stund 15. 16. vnd 17. 18. bis auf 24.
Darumb gib fleißig achtung auff der Sonnen vndergang/vnd heb
an auff deinem Instrument zu zellen bis zu deren auffgang / als die
letzte stund der nacht / da thu ich noch ein stund darzu / als die erfüllt e
laß ich durch den außschnitt scheinen / an dem kleinen beweglichen
scheiblin/vnd ruck den Linial auff des zeiches lini/auff dem zeichentra-
ger/in welchem du den nidergang der Sonnen gsucht hast / vnd thu
ein stich/arbeite weiter von einer stund zu der anderen/vnd schreib die
gebürende stund darzu blind.

Weiter nim den Nidergang der Sonnen in einem anderen zeis-
chen/